

KOMUNIKADU IMPRENSA



Dezenvolve Ekonomia Naun-Petrolífera iha Timor-Leste

Rendimentu Fundu Petróleu tenke foka ba dezenvolvimentu ekonomia naun-petrolífera, liu-liu setór rurál, atu nune'e bele hasa'e kondisaun moris, Relatóriu ne'e hateten.

Dili, 3 Maiu 2011 - Halo tiha ona progresu barak iha Timor-Leste iha tinan hirak foin lalais ne'e, maibé povu barak mak sei kiak nafatin. Rikusoin husi rekursu mina-rai nian tenke utiliza efetivamente hodi promove dezenvolvimentu sustentavel ekonomia área naun-petrolífera nian, no hodi redús diferensa entre populasaun urbanu no rurál nian. Ida-ne'e bazeia ba Timor-Leste nia *Relatóriu Dezenvolvimentu Rekursu Umanu 2011*, ne'ebé lansa ohin husi Prezidente Jose Ramos-Horta no Programa Dezenvolvimentu Nasoins Unidas nian (PNUD).

Relatóriu ne'e ho títulu *Jere Rekursu Naturál ba Dezenvolvimentu Umanu: Dezenvolve Ekonomia Naun-Petrolífera* hodi alkansa ODM sira, apresenta susesu nasaun ninian, to'o ohin loron, no propoin estratéjia ba dezenvolvimentu iha tinan hirak tuirmai.

Relatóriu ne'e fó konkluzau katak nivel kiak nian hadi'ak substansialmente dezde 2007. Mezmu nune'e, maizumenus porsentu 41 husi populasaun sira iha área rurál sei moris nafatin iha kiak nia laran.

Valor Índise Dezenvolvimentu Umanu (IDU) Timor-Leste nian iha tinan 2010 mak 0,502, ida-ne'e tama iha kategoria dezenvolvimentu umanu média ho pozisaun da-120 husi nasaun 169 ne'ebé hato'o sira-nia Relatóriu Dezenvolvimentu Umanu Globál iha tinan 2010. Ida-ne'e hatudu katak Timor-Leste sa'e pozisaun 11 dezde tinan 2005. Entre tinan 2005 no tinan 2010, Timor-Leste nia esperansa ba moris bainhira partu aumenta liu fali tinan rua, ne'ebé signífika katak tinan eskolaridade nian hanesan nafatin durante períodu ne'e, Timor-Leste nia Rendimentu Brutu Nasionál (GNI) per kapita sa'e porsentu 228 durante períodu ne'ebé hanesan.

Relatóriu ne'e rekoñese katak impaktu ekonomia no sosiál husi krize 2006 iha nasaun laran maka'as tebes. Governu tuirmai serbisu maka'as hodi hatán ba kestaun fundamentál sira ne'ebé kontribui ba krize ida-ne'e, no hodi estabelese prioridade nasional sira ba dezenvolvimentu. Maski iha obstákulu durante tinan 2006 nia laran, Timor-Leste consege hetan rekuperasaun no alkansa taxa krezimentu ne'ebé aas, baibain tanba folin mina nian no mós despreza públika ne'ebé aumenta. Relatóriu ne'e subliña realidade katak kreximentu ne'e tenke iha ekuidade:

"Polítika sira hodi hatán ba nivel kiak nian la depende de'it ba impaktu rikusoin petróleu nian ne'ebé 'sulin husi leten mai kraik', maibé hanesan hatudu ona husi esperiénsia nasaun sira rejiaun Ázia Sudeste nian, katak tenke kria polítika no programa ruma hodi asegura katak kreximentu ne'e inkluzivu."

Obstákulu ba Timor-Leste iha tinan hirak oinmai mak oinsá atu uza rendimentu husi ninia Fundu Petróleu ho di'ak no hodi promove dezenvolvimentu ekonomia naun-petrolífera nian. Tuirmai, Relatóriu Dezenvolvimentu Umanu Timor-Leste nian foka ba buat hirak tuirmai:

“Oinsá rikusoin petróleu nasaun ninian bele uza ho di’ak ba implementasaun programa hodi promove kreximentu ekonómiku ba ema kiak, dezvoltimentu setór rurál, fó biban ba redusaun kiak, fasilita kria kampu serbisu no mós promove dezvoltimentu setór privadu.”

Dezvoltimentu Ekonomia Naun-Petrolífera

Setór agrikultura fornese nesiedade moris loro-loron nian ba maizumenus 70% husi populasaun Timor-Leste. Povu barak liu halo agrikultura hodi han-hemu de’it. Hanesan relatóriu ne’e hateten:

“Hadi’ak nesiedade moris loro-loron nian iha setór rurál presiza dezvoltimentu sustentavel iha área estratéjika prinsipál ne’ebé barak, liuliu iha produtividade agrikultura nian, promove diversifikasaun kolleita nian, dezvoltolve prosesamentu agrikultura no mós fó biban merkadoria nian ba ninia produktu sira - liuliu produktu hirak ne’ebé iha potenciál ba esportasaun.”

Tuirmai, relatóriu ne’e idéntifika ona indústrria rurál sira seluk ne’ebé apropiadu hodi hetan dezvoltimentu. Nu’udar ezemplu, indústrria kaer ikan nian bele haboot liután liuhosi investimentu ba ró, fabrika jelu nian no mós transporte.

Ekoturizmu mós iha potenciál ekonómiku. Timor-Leste iha fatin sira iha Kosta no interiór ne’ebé di’ak tebes ba dezvoltimentu suku ekoturizmu nian ne’ebé bele envolve comunidade lokál no bele fornese empregu sustentavel ba família hirak-ne’ebé hela iha suku refere.

“Implementasaun polítika hodi hadi’ak nivel dezvoltimentu umanu nian presiza envolvimentu di’ak iha foti desizaun ba hirak ne’ebé sei hetan benefísiu husi polítika hirak-ne’e. Nune’e mós, comunidade rurál sira tenke envolve ativamente iha desizaun sira dezvoltimentu nian ne’ebé bele afeta ba sira-nia moris loro-loron nian, liuhosi programa desentralizasaun nian ne’ebé efikás ba distritu sira no mós iha kraik liután,” hateten Finn Reske-Nielsen, Representante Espesiál Adjuntu Sekretáriu-Jerál nian no Rezidente Representativu UNDP nian iha Timor-Leste, iha ninia introdusaun ba relatóriu ne’e.

Ekonomia mós inklui parte naun-rurál nian ne’ebé bele hetan benefísiu husi dezvoltimentu ne’ebé di’ak liu. Iha tinan hirak daudaun ne’e, nu’udar ezemplu iha ona kreximentu substansiál iha indústrria konstrusaun nian. Setór importante seluk tan mak komérsiu boron no retallu, saúde, edukasaun no servisu sosiál, komérsiu otél no restaurante no mós servisu seguransa nian.

Hadi’ak klima Timor-Leste nian ba negósiu krítiku tebes ba kreximentu no mós kriasaun serbisu. Nasaun nia vizaun foun kona-ba potenciál negósiu nian ladún di’ak. Relatóriu ne’e idéntifika ona kestaun barak ne’ebé presiza rezolve atu nune’e bele kontra vizaun ida ne’e.

“Difikuldade hodi rezolve disputa kontratu nian; gastu ba komunikasaun ne’ebé aas; falta apoiu servisu ne’ebé sériu hanesan auditoria, kontabilidade no mós pratika direitu nian; falta rejistu ba kréditu; no mós prosedimentu aprovizionamentu ladún transparente; serbisu la garantidu; difikuldade atu hetan kréditu; no mós iha risku ne’ebé aas katak negósiu la kontinua.”

Alkansa Objektivu Dezvoltimentu Milénriu (ODM sira)

Timór-Leste halo ona progresu substansiál iha área sira ODM nian. Timor-Leste atinje ona ninia objektivu 2015 nian ba taxa mortalidade infantil no labarik tinan 5 mai kraik, ba kuidadu saúde antenatal nian, no mós ba número husi kazu moras tuberkuloze nian ne’ebé deteta ona. Timor-Leste iha progresu di’ak hodi atinje objektivu dezvoltimentu iha área sira seluk, hanesan número labarik ne’ebé rejista an iha

edukasaun primária no mós proporsaun populasaun ne'ebé hetan asesu ba rekursu bee moos ne'ebé di'ak liu.

Mezmu nune'e, Timor-Leste nia progresu ladún di'ak atu alkansa ODM balu, hanesan proporsaun populasaun ne'ebé moris iha liña nasional kiak nian nia okos, prevalénsia husi labarik sira ho idade tinan 5 mai kraik ne'ebé krekas, no mós taxa mortalidade materna.

Kuadru Makroekonómiku nian ne'ebé apresenta iha *Relatório Nasionál Dezenvolvimentu Umanu tinan 2011* deskreve estratéjia sira ba Timor-Leste hodi alkansa ninia ODM hotu-hotu to'o 2015. Relatório ne'e hateten katak estratéjia hirak-ne'e maka:

“Viavel, sustentavel finansialmente, no bele fó biban ba uzu Fundu Petróleu nian ho efikás no produtividade, naran katak iha esforsu sira ne'ebé halo hodi dezenvolve estratéjia ne'ebé apropiadu ba dezenvolvimentu ekonomia naun-petrolífera nian no prinsipalmente setór rural nian.”

Mudansa Populasaun nian no Halakon Dezempregu

“Nasaun ne'e hetan mudansa demográfika ho ninia implikasaun profunda ba ninia dezenvolvimentu iha futuro,” realsa Prezidente Timor-Leste nian Jose Ramos Horta iha ninia mensajen ba Relatório ne'e.

Timor-Leste nu'udar ida husi nasaun ne'ebé ho taxa natalidade aas tebes iha mundu, no maioria husi ninia populasaun sira ho idade menus husi tinan 21. Aleinde ida-ne'e, migrasaun husi foho mai sidade kapitál Dili aas tebetebes. Populasaun Dili nian sa'e maizumenus 150.000 dezde tinan 1999, no sidade ne'e hetan ona maizumenus porsentu 22 husi total populasaun nasaun ninian. Aumentu ida-ne'e difisil atu sustenta, sosialmente no ekonómikamente, liuliu relasiona ho empregu.

“Nasaun ne'e presiza kombinasau política iha tempu besik hodi hatún taxa fertilidade nian, no mós fasilita redasaun nivel migrasaun rural-urbanu nian ne'ebé daudaun ne'e aas,” mak rekomendasaun husi relatório ida-ne'e.

Atu rezolve problema dezempregu iha tempu naruk, no mós atu kria báze dezenvolvimentu sustentavel ida bainhira rendimentu petróleu nian tun ona, importante tebes katak presiza dezenvolve duni ekonomia naun-petrolífera.

Timor-Leste nia *Relatório Nasionál Dezenvolvimentu Umanu Tinan 2011 (RNDU)* hakerek husi peritu sira iha painél independente ida, ho konsulta no halo revizaun husi PNUD, Governu Timor-Leste nian, no mós parseiru sosiedade sivil nian. Objektivu fundamentál husi RNDU nian maka atu hasa'e koñesimentu públiku no mós hahú halo asaun kona-ba preokupasaun dezenvolvimentu umanu ne'ebé krítiku.

Informasaun klaru, favor kontakta:

Rui Gomes, UNDP Head of Pro-Poor Policy Unit, Dili, +670 7231571, ruigomes@undp.org